

D207

U B833 BAH
MAHATHIR - WANITA

KUALA TERENGGANU, 23 JUN (BERNAMA) -- DATUK SERI DR MAHATHIR MOHAMAD BERKATA KAUM WANITA MEMPUNYAI TUGAS DAN TANGGUNGJAWAB YANG PENTING DALAM MENCORAKKAN HUBUNGAN DAN KEHIDUPAN BAGI SESEBUAH MASYARAKAT.

DALAM KATA-KATA ALUANNYA PADA BUKU CENDERAMATA SEMPENA PELANCARAN PENUBUHAN BADAN AMAL DAN KEBAJIKAN ISTERI WAKIL-WAKIL RAKYAT NEGERI TERENGGANU (SERIKANDI), PERDANA MENTERI BERKATA ISTERI-ISTERI PEMIMPIN MELALUI PERSATUAN MEREKA DAPAT MENDEKATI RAKYAT DENGAN LEBIH BERKESAN MELALUI KERJA-KERJA AMAL DAN AKTIVITI-AKTIVITI MEREKA YANG TERANCANG.

INI AKAN MELAHIRKAN PERASAAN MUHIBAH DAN MENJALIN PERSAHABATAN DAN PERSEFAHAMAN DI ANTARA PEMIMPIN DENGAN RAKYAT, UJARNYA.

DATUK SERI DR MAHATHIR BERKATA, MELALUI PELANCARAN SERIKANDI JUGA AKAN MEMBOLEHKAN ANGGOTANYA MENGEMBLENGKAN TENAGA UNTUK MEMBANTU TUGAS-TUGAS SUAMI MEREKA BAGI MENINGGIKAN LAGI TARAF HIDUP RAKYAT TERENGGANU, KHUSUSNYA MASYARAKAT DI KAWASAN LUAR BANDAR.

BELIAU YAKIN SERIKANDI AKAN MEMBANTU USAHA KERAJAAN DALAM MENJAYAKAN PEMBANGUNAN NEGARA DI SAMPING MENINGGIKAN LAGI TARAF HIDUP KAUM WANITA DI NEGERI TERENGGANU.

PELANCARAN PENUBUHAN SERIKANDI DILAKUKAN OLEH DATUK SERI DATIN PADUKA DR SITI HASMAH MOHD ALI DI WISMA DARULIMAN, DI SINI HARI INI.

-- BERNAMA

1422MST 23 06 88